



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Abelly, Louis

Coloniæ Agrippinæ, 1658

Sect. I. In quo propriè & formaliter consistat hominis iustificatio.

urn:nbn:de:hbz:466:1-38954

xeticis restiterunt, & adhuc hodie pertractant illi, qui in Theologicis Falæstris excentur; ac proinde sicut illas non audemus contemnere, sic etiam non necesse habemus adstruere; cum ad cognitionem & confessionem diuinæ gratiæ, cuius operi ac dignationi nihil subtrahendum est, sufficere possint ea, quæ hic secundum Ecclesiæ regulas, & sedis Apostolicæ definitiones explicantur.

CAPVT IV.

Degratiæ effectibus, ac in primis de iustificatione.

SECTIO I.

In quo propriè & formaliter consistat hominis iustificatio.

Sensus questionis est, quidnam sit, quod propriè & formaliter efficiat hominem coram Deo iustum & sanctum, & in quo vera & formalis eius iustitia consistat. Pro cuius resolutione

Dicendum 1. iustitiam illam, & sanctitatem, quæ verè & formaliter nos iustos efficit, non esse fauorem aliquem extrinsecum Dei, sed donum aliquod supernaturale nobis inhærens, quo verè & formaliter iusti dicimus, & sumus.

Huic veritati, quæ de fide est, varij hereticorum opponuntur errores: quidam enim dixerunt nos formaliter iustos esse per ipsammet essentialē Dei iustitiam; alij per Christi iustitiam nobis imputatam; alij per solam extrinsecam peccatorum condonationem. Hi errores, & si qui sunt alij similes, damnati sunt in Concilio Tridentino

fæc. 8. explicac. quā nos spiritū nominā merito p. bus eors Hui Bellar. cam q. amur p. parten neq; lo. tiā nob. condō bis in h. quam meniu tem. n. in scri. Pauli a homo intellexi sum tu pec pitur r. fio es homini. Hac proba rius h. sediri edient iustiti verè in peccat

sel. 8. c. 7. & simul nostræ assertio[n]is veritas definita & explicata his verbis: *Vnica formalis causa (nostra iustificationis scilicet) est iustitia Dei; non quia ipse iustus est, sed quia nos iustos facit; quia videlicet ab eo donati, reuocamur spiritu[m] mentis nostræ; & non modo reputamur, sed verè iusti nominamur, & sumus, &c. dum eiusdem sanctissimæ passionis merito per Spiritum Sanctum charitas Dei diffunditur in cordibus eorum, qui iustificantur, atque ipsis inhæret.*

Huius autem controv[er]sie status (ut recte obseruat Bellar. lib. 2. de iustific.) reuocari potest ad hanc vnicam quæstione[n]: *vitrum scilicet formaliter iusti efficiamur per iustitiam aliquam nobis inhærente[n]; si enim partem affirmantem probauerimus, consequens erit, nos neq[ue] solâ & essentiali Dei iustitiâ, aut ipsius Christi iustitiâ nobis imputatâ, neq[ue] etiam sola extrinsecâ peccatorū condonatione, sed aliquo alio dono supernaturali nobis inhærente, vere & formaliter iustificari: quod antequam probemus, obseruandum est nos hic sumere nomen iustitiae, non prout significat specialem illam virtutem moralē, qua ins suum vnicuique reddit, sed prout in scripturis frequentissime, præsertimque in epist. S. Pauli accipitur, scilicet pro restitutio[n]e illa interna, quâ homo bene ac recte ordinatur erga Deum; à qua iustitia sic intellectu deriuatur nomen iustificationis, quod quidem sumatur in fieri, denotat translationem hominis à statu peccati ad statum iustitiae & sanctitatis, quo sensu accipitur in Conc. Trid. sel. 6. cap. 4. Si verò sumatur in facto esse, significat terminum illius translationis, qui est, hominem esse iustum & erga Deum recte se habere.*

Hac obseruatione suppositâ, assertio[n]is nostra veritas probatur 1. ex scriptura. Rom. 5. *Sicut per inobedientiam unius hominis, peccatores constituti sunt multi; ita & per unius obedientiam, iusti constituentur multi. Sicut igitur per inobedientiam Adami constituti sumus iniusti, non solâ iniustitiâ eius nobis imputatâ, sed iniustitiâ aliquâ nobis verè intrinsecâ & inhærente, ut probauimus tract. 4. vbi de peccato orig. egimus; ita ex mente Apost. per obedientiam*

Christi constituimur & efficimur iusti, non solā iustitiā Christi nobis imputatā, sed per iustitiam nobis intrinsecam & inharentem : & 1. Cor. 6. Et hæc quidem suis, sed abluti estis, sed sanctificati estis, sed iustificati estis; vbi Apostolus explicans, quid sit hominem esse iustificatum, dicit idem esse ac ablutum, & sanctificatum esse : & ad Tit. 3. iustificationem dicit esse regenerationem, renouationem, effusionem Spiritus Sancti : quæ verba de sola iustitiæ imputatione vel extrinseca peccatorum condonatione, explicari nequeunt, sed aliquid longè maius significant, ac proinde de dono aliquo supernaturali nobis inharente intelligi debent.

Probatur 2. ex Conc. Trid. sess. 6. can. 11. Si quis dixerit, homines iustificari vel solā imputatione iustitiæ Christi, vel solā peccatorum remissione, exclusâ gratiâ, & charitate, que in cordibus eorum per Spiritum Sanctum diffundatur, argue illi inharet; aut etiam gratiam, qua iustificamur, esse tantum suorem Dei, anathema sit.

Probatur 3. ex S. August. qui varijs in locis Ep. 83. ad Contium. iustitiam & sanctitatem vocat interioris hominis pulchritudinem; vnde sequitur, illam esse ipsi intrinsecam, & inharentem : & enarratione in Psal. 98. Laudamus, inquit, & exaltamus illum, qui fecit ipsam iustitiam quam habemus : ipse in nobis fecit ; quis enim in nobis fecit iustitiam, nisi qui nos iustificauit?

Obijcies 1. hæc verba Psal. 31. Beati, quorum remissæ sunt iniquitates; & quorum teæta sunt peccata, beatus vir cui non imputauit Dominus peccatum : ex quibus colligunt hæretici, peccatorem eatenus iustificari, quatenus peccatum illi à Deo non imputatur. Resp. SS. Patres hunc locum longe alio sensu intelligere, & explicare quæm faciant hæretici; quod ut euidens fiat, aliquot illius loci explications ex illis colligemus, & breuiter hic afferemus. S. Iustinus Martyr. in Dialogo cum Tryphonie prope finem, Beatus, inquit, cui non imputabit Dominus peccatum, hoc est, cui paenitenti Deus peccata remittet; non sicut prædicatis vosmetipso fallentes, & aly quidaꝝ vestri similes assuerant, quod, etiam si peccata-

peccatores fuerint, modo Deum noverint, non imputabit eis Dominus peccatum: S. Hieron. in illum Psalmi locum, postquam sic illum explicauit, Beatis, quorum peccata per confessionem a Domino diluuntur, immediatè subiungit, remittuntur peccata per baptismum, reguntur per charitatem, non imputantur per martyrum: S. Aug. in enarrat. 2. in eundem Psal. Beati, quorum remissa sunt iniquitates, & quorum tecta sunt peccata; id est, quorum peccata abolita sunt; & paucis interiectis, Deus tegat vulnera non tua; nam si tu tegere volueris erubescens, medicus non curabit: medicus tegat & curet; emplastro enim tegit, & sub tegmine medici sanatur vulnera.

Obijcies 2. 1. Cor. 1. dici Christum factum esse nobis à Deo iustitiam & redemptionem; vnde videtur sequi, nos per ipsammet Christi iustitiam nobis imputatam iustificari. Rely cum distinctione: si enim dicatur Christum esse redemtionem & iustitiam nostram in genere causæ meritoriae, verum est; si autem in genere causæ formalis falsum, & à veritate prorsus alienum, ut ex suprà dictis constat.

Dicendum 2. Donum illud supernaturale animæ inhærens, per quod formaliter iusti efficiuntur, esse ipsammet gratiam habitualem, sic dictam quod animæ inhæreat per modum habitus.

Probatur 1. ex eo quod (vt suprà dictum est) Apost. de dono illo loquens dicit illud effundi, disfundi in cordibus nostris, nos illo vngi; quæ verba melius & aptius intelligi non possunt quam de gratia habitualiter inhærente.

Probatur 2. auctoritate Conc. Viennensis Clementina 1. vbi dicitur, opinionem illam Theologorum (quæ asserit in baptismo virtutes, & gratiam informantem quoad habitum conferri) tanquam probabiliorem, & dictis Sanctorum magis consonam, & concordem, sacro approbante Conc. esse amplectendam.

Probatur 3. ex SS. Patribus, quorum verba non nisi de gratia habituali proprie intelligi possunt: S. Dion. Eccl.

Hick.

Hier. parte 1. c. 2. dicit, per sacra electionis operationem statum in nobis diuinum effici: S. Basil. lib. de Spiritu Sancto c. 26. explicans, quomodo Spiritus Sanctus per gratiam inhabaret in homine, *Sicut, inquit, cernendi vis est in oculo sano; sic & operatio spiritus in anima purgata, &c.* & quemadmodum ars est in eo, qui natus est illam; ita spiritus in eo, qui recipit, semper quidem presens, at non perpetuo permanens & S. Cyri. Alexand. lib. 4. in 1f. orat. 2. Formatus, inquit, in nobis Christus Spiritu Sancto nobis quamdam formam per sanctificationem & iustitiam imprimente; sic enim in animis nostris elucet character substantia Dei ac Parvus, reformatus (ut dixi) Spiritu Sancto nes per sanctificationem in ipsum.

Probatur 4. hæc ratione: homo enim denominatur iustus non solum quando actu operatur, sed etiam quando nihil actu agit: v. g. quando dormit: & hæc denominatio non est extrinseca, sed intrinseca, & per gratiam inherente in qua proinde habitualis esse debet. Præterea etiam ipsi infantes per baptismum iustificantur per susceptionem veræ & internæ gratia: at qui eiusmodi gratia actualis esse non potest, cum ipsi infantes nullius motionis actualis in Deum capaces sint: ergo gratia illa, per quam iustificantur, debet esse permanens & habitualis.

Quæres, an huius secundæ assertionis veritas de fide sit. Respondet Philip. Gaimach. ad quæst. 110. cap. 1. quod, quamvis de fide sit, hominem iustificari per aliquam gratiam, quæ habeat veram entitatem realem in anima iusti, ut ex ante dictis constat, non esse tamen prorsus ex fide certum, an gratia illa iustificans sit verus habitus, quamvis proximè ad fidem accedat, nec nisi maximæ temeritate negari possit: licet enim Conc. Vien. supra relatum, veritatem illam non definit tanquam fide certam; illam tamen approbat, & amplectendam dicit, tanquam Sanctorum doctrinæ magis consonam & concordem.

SE-